

書名 杜氏通典二百卷 嘉靖十八年西樵方獻夫刊本

撰者 唐 杜佑 撰，明 王德益、吳鵬 同校

卷 卷七十二

內容分類 史·政書·歷代通制

索書號 貴重-17

編號 B3510400

卷七十二



[彩色首頁1](#)

[東洋文化研究所漢籍目錄 編號: B3510400](#)

[東洋文化研究所漢籍目錄所藏漢籍善本文影像資料庫 索書號: 貴重-17](#)

[漢籍善本文影像資料庫文本杜氏通典二百卷 嘉靖十八年西樵方獻夫刊本](#)

版權所有: [東京大學](#) [東洋文化研究所](#)

[使用上的注意事項](#)

杜氏通典卷第二十五

職官七

諸卿上總論諸卿

太常卿丞奉禮郎主簿 博士 太祝 兩京郊社署

太樂署 鼓吹署 太醫署 太卜 廩犧 汾祠 太公廟等署

光祿卿丞良醞署主簿 掌醢署 太官署 珍羞署

衛尉卿丞守宮署主簿 武庫署 武器署 左右都候

宗正卿丞諸陵署主簿 崇玄署

太僕卿丞典牧署主簿 乘黃署 諸牧監 典廄署

大理卿正司直丞評事監 車府署 獄丞

諸卿附少卿

教

通典卷七十一

杜氏通典卷第七十一終

杜氏通典卷第七十二

禮三十二嘉禮十七歷代沿革三十一

天子追尊祖考比上尊女號附

天子崇所生母議附追崇

支庶立為天子追尊本親議

追錫命議

天子追尊祖考妣上尊號附

後魏 北齊 後周 隋 大周

周武王追尊王太王王季父王季歷文王昌盧植曰太

父也美大故號之王季文王之父也太王實始剪商

王季綏和文王懷保王業所興故追王也三妣亦同尊其所以追之不以卑臨尊也不用諸侯之號臨天子也追王大王王季

通典卷七十一

以下者以王迹之所由也文王稱漢高帝五日一朝

王早矣於殷猶爲諸侯于是著焉

太公太公家令說太公曰天無二日土無二王太公

雖父乃人臣也柰何使人主朝人臣如此則威重不

行矣後上朝太公太公擁篲迎門却行上大驚下扶

太公公曰帝人主柰何以我亂天下法上善家令言

賜黃金五百斤詔曰人之至親莫大於父子故父有

天下傳之於子子有天下歸尊於父此人道極也朕

平暴亂以安天下此皆太公之教訓也乃尊太公爲

太上皇後漢荀悅曰孝經云故雖天子必有尊也言有父也王者父事三老以示天下所以明孝

也無父猶設三老之禮况其存者乎孝莫大於嚴父

故子尊不加于父母家令之言於是過矣晉隱懷太

子令問中庶子劉寶云太公家令說太公爲是爲非

對曰荀悅論賜家令爲非臣以悅不識高帝意高帝

雖貴爲天子事父不夫子之禮時即位已六年而不

如父號是以家令言雖父乃人臣也言無可尊敬名

號當與人臣同禮欲以此感動之帝聞家令言乃悟

即立號太上皇得人子尊父之道若不聞家令言父

終無號矣家令說也又追尊妣曰昭靈后○魏文帝即王位尚

書令桓階等奏臣聞尊祖敬宗古之大義故六代之

君未嘗不追崇始祖顯彰所出先王應期撥亂啓魏

大業然禰廟未有異號非崇孝敬示無窮之義也太

尉公侯宜有尊號所以表功崇德發事顯名者也故

易言乾坤皆曰大德言大人與天地合臣等以爲太

尉公侯誕育聖哲以濟羣品可謂資始其德之號莫

過於大王詔曰前奏以朝車迎中常侍大長秋特進

君侯神主然君不宜但依故爵乘朝車也禮有尊親



之義爲可依諸禮記更議博士祭酒孫欽等議按春秋之義五等諸侯平葬皆稱公乃與王者之後宋公同號然臣子褒崇其君父以此言之中常侍大長秋特進君侯誕育太皇篤生武王奄有四方其功德之號莫過大王今迎神主宜乘王車又宜先遣使者上謚號爲大王於是漢帝追謚爲大王及受禪追尊大王爲太皇皇帝考武王爲武皇帝尊王太后爲皇太后明帝太和三年六月司空陳羣等議以爲周武追尊太王王季文王皆爲王是時周天子以王爲號追尊即同故謂不以卑臨尊也魏以皇帝爲號今追號皇曾祖中常侍大長秋特進君爲王乃以卑臨尊也

故漢祖尊其父爲上皇自是以後諸侯爲帝者皆尊其父爲皇也太長秋特進君宜號高皇載主宜以金根車可遣大鴻臚持節乘大使車從騎騎奉印綬即鄴廟以太牢告祠從之又詔曰蓋聞尊嚴祖考所以成湯文武寔造商周克昌王業而詩書之義追尊穆禹自我魏室之承天序旣發跡於高皇高皇之入處士君精神幽遠號稱罔記非所以崇孝重本也其令公卿以下會議號謚侍中劉曄議周王所以後稷爲祖者以其唐之諸侯佐堯有大功名在祀典故也至於漢氏之初追謚之義不過其父上比周室則大魏發跡自高皇而始下論漢氏則追謚之禮不及其祖

曄思以為追尊之義宜齊高皇而已侍中繆襲議以
為元者一也首也氣之初也是以周文演易以冠四
德仲尼作春秋以統三正又謚法曰行義悅人曰元
尊仁貴德曰元處士君宜追加謚號曰元皇太傅鍾
繇議按禮小記曰親親以三為五以五為九上殺下
殺旁殺而親畢矣乃唐堯之所以敦叙於九族也其
禮上殺於五非不孝敬於祖也下殺於五非不慈愛
於其孫也旁殺於五非不篤友於昆弟也故為族屬
以禮殺之處士君其數在六於屬已盡其廟當毀其
主當遷今若追崇帝王之號天下素不聞其受命之
符則是武皇帝櫛風沐雨勤勞天下為非功也推以

人情普天率土不襲此議處士君明神不安此禮今
諸博士以禮斷之其議可從詔從之○晉武帝受禪
後太始元年追尊皇祖宣王曰宣皇帝伯考景王曰
景皇帝皇考文王曰文皇帝宣王妃張氏為宣穆皇
后尊太妃王氏為皇太后○宋武帝受禪追尊皇考
為孝皇帝皇妣為穆皇后策曰維永初元年七月皇
帝謹遣某官某奉策上皇考尊號曰孝皇帝仰惟聖
靈邈焉阻遠昔有周丕崇祚興昌季其在魏晉亦申
情禮所以聿追來孝所因者本謹稽式上代考諸令
准稱謂既極情典攸遂所以仰順天人俯穆率土在
心遠慕庶云有慰追尊先后策曰維年月朔皇帝謹

遣某官某奉策上皇妣尊號曰孝穆皇后伏惟皇妣
資坤厚之性體母儀之德等美姜嫄齊列姪妣訓穆
中閨化流自遠膺曆運之期饗茲天位謹依前典敬
奉大禮仰慕聖善之愛俯增蕤莪之思○齊高帝受
禪追尊考曰宣皇帝妣曰孝皇后○梁武帝受禪追
尊考曰文皇帝妣曰獻皇后○陳武帝受禪追尊考
曰景皇帝妣董氏曰安皇后○後魏道武帝稱尊號
後追尊遠祖二十餘代皆稱皇帝則歷代未聞也不
復更載謚號焉○北齊文宣帝受東魏禪追尊祖為
文穆帝妣為文穆皇后考為獻武皇帝兄為文襄皇
帝母為皇太后○後周閔帝受西魏禪稱天子追尊

考曰文王後其弟明帝立稱帝號追尊文王曰文皇
帝後其弟武帝立追尊曰德皇帝○隋文帝受禪追
尊考曰武元皇帝妣曰元明皇后○大唐武德元年
五月追謚高祖為宣簡公會祖為懿王祖為景皇帝
父為元皇帝天寶二載三月追尊咎繇為德明皇帝
涼武昭王為興聖皇帝仍各立廟每歲四孟月享祭
至寶應中禮儀使杜鴻漸請停四時獻享

天子崇所生母議追崇附宋

東晉孝武帝太元中崇進所生母李氏為皇太妃徐

與苑甯書訪其事甯答謂子不得爵命母妃是天子
婦號必也正名寧可以稱母也邈重與甯書曰禮天
子之妃曰后極禮崇物備者在於此也故太后之號
所以憲章皇極禮崇物備者在於此也故太后之號

定於前朝而當今所率由也若必欲章服同于后雖
名號異于朝而則可因夫人之稱而加皇太以明尊
一理然于文物之章猶未盡崇高之極此又無所
疑不代得行也足下嫌太子妻稱耶又曰按公羊傳
於後子貴當以皇太之別可禮有君之稱曰夫人者
母推之也王后匹嫡亦何必春秋謂議稱皇太夫人非
尊此也並后三公此君母之極號也稱夫人則先
后一等位比三公則至尊之極也皇太后則與徐禮
人豈不允乎殷仲堪與徐禮書云后者婦人之貴號
在妻則不言后在母則加太禮天子之妃稱后關雎
必不稱德后妃二名其義一也設使正后處內貴妾
其義故曰人而實殊同母則可又會成風葬著言禮也
名雖也鄭云近君所服之唯君所服若嫡夫人無所
制重者故曰唯君所服之唯君所服若嫡夫人無所
僕而私服廢正故庶母為宗廟人上之不得以干宗
何得非三卿五大夫內有宗廟人上之不得以干宗
廟外之不得以接侯伯唯國內申其私而崇其儀亦
如侯伯子男之臣於內稱君曰公耳雖人君肆情行

服而卿大夫不從所以知一有天王也邈往來於釋
范武子以其序云云私情典是以太妃車旗服章備
如太服之制也從于宗廟禮又曰百官不稱臣所以
令無難之自塞矣通稱如五等爵皆稱公耳文且妾除
女君未聞二其號者所以關之禮而於廟故遠避
皇有由矣宜同皇極故上比稱皇屈于郊廟故遠避
伉儷不曰后而曰妃因名求實可謂志乎禮者太
與如義無異者假令國君在妾自當稱夫人但王典
無二名不得以國太元十九年又詔追崇鄭太后尚
書令王珣奏下禮官詳正按太常臣胤等議以春秋
之義毋以子貴故仲子成風咸稱夫人經云考仲子
之宮明不配食也且漢文詔二太后並繫子號宜遠
准春秋考宮之義近摹二漢不配之典尊號既正宜
改築新廟顯崇尊稱則罔極之情申別建寢廟則嚴

禮之道著繫子爲稱兼明貴之所由一舉而三義以
允固哲王之高致可如胤等議追尊會稽太妃爲簡
文皇太后也○宋文帝元嘉元年司空錄尚書事臣
羨之等言伏惟先婕妤柔明塞淵光備六列德昭坤
範訓洽母儀用能啓祚聖明奄宅四海而天祚永遠
嚴親莫逮臣等參議遠准春秋近稽漢晉謹追上尊
號爲皇太后禮官撰謚用崇寢廟

諸侯崇所生母議

後漢許慎五經異義云妾母之子爲君子得尊其母
爲夫人按春秋公羊說妾子立爲君母得稱夫人故
上堂稱妾屈於嫡下堂稱夫人尊行國家則士庶起

爲人君母亦不得稱夫人父母者子之天也子不得
爵命父母至於妾子爲君爵其母者以妾本接事尊
者有所因也穀梁說魯僖公立妾母成風爲夫人入
宗廟是子而爵母也以妾爲妻非禮也故春秋左氏
說成風得立爲夫人母以子貴謹按尚書舜爲天子
瞽叟爲士明起於匹庶者子不得爵父母也至於魯
僖公本妾子尊母成風爲小君經無譏文公羊左氏
義是也鄭玄駁曰禮喪服父爲長子三年以將傳重
故也衆子則爲之周明無二嫡也女君卒貴妾繼室
攝其事耳不得復立夫人魯僖公妾母爲夫人者乃
緣莊夫人哀姜有殺子般閔公之罪應貶故也哀姜

齊之經在僖元年冬十二月丁巳夫人氏之喪至
自齊去姜是也桓夫人文姜弒公之經在莊元年
春三月夫人孫于齊近漢呂后殺戚夫人及庶子趙
其與姜代輕重是也
王不仁廢不得配食文帝更尊其母薄后非其比耶
妾子立者得尊其母禮未之有也袁准正論云時俗
之論曰庶子為公可以尊其母為夫人春秋之義母
以子貴按隱公二年夫人子氏薨五年考仲子之宮
上稱夫人下不應復言仲子明其與妾為妻也秦人
來歸成風之棧不稱夫人明其私尊不通於鄰國也
左氏傳曰並后匹嫡亂之本也袁准並后如夫人者
六是也匹嫡元妃卒
立妾為夫人是也公羊亦云母以子貴說曰穀梁云秦人來
歸成風之棧秦不云夫人也就外不云夫人而見正

焉夫身為國君而母為妾庶子孫所不忍臣下所不
安故私稱於國中不加境外此人子之情國人之私
而立於禮法之正也假有庶子數人並為三公欲各
尊其母將何以止之非聖人者無法此大亂之道也

支庶立為天子追尊本親議漢魏後漢

漢宣帝追尊祖衛太子史皇孫詔曰故皇太子在朝
未有號謚有司請曰禮為人後者為之子也故降其
父母不得祭尊祖之義也陛下為孝昭帝後承祖宗
之祀制禮不踰閑謹行視孝昭帝所為史皇孫謚宜
曰悼母曰悼后比諸侯王園置奉邑三百家曰悼園
故皇太子謚曰戾置奉邑二百家曰戾園史良娣曰

戾夫人置守塚三千家園曰戾后園置長丞周衛奉
守如法有司復言禮父為士子為天子祭以天子俾
園宜稱尊號曰皇考立廟因園為寢以時薦享益奉
園人滿千六百家尊戾夫人曰戾后置園奉邑及益
戾園各滿三百家哀帝初入為太子祖母傳太后母
丁后皆在國自稱以定陶恭王為稱按元帝傳昭儀
有寵產一男為
定陶恭王帝崩昭儀隨王歸國稱定陶太后恭王薨
子代為王王崩昭儀隨王歸國稱定陶太后恭王薨
子代為王王崩昭儀隨王歸國稱定陶太后恭王薨
與丁后自居定陶國成帝崩太子立是為哀帝及即
位高昌侯董宏上言宜立定陶恭王后為皇太后事
下有司宏曰秦莊襄王母本夏氏為華陽夫人及子
楚即位俱稱太后今宜立定陶恭王后為皇
太后左將軍師丹劾奏宏加皇太后至尊之號天下一



統而稱引亡秦以為比論註誤聖朝不道帝新立謙
讓納丹言免宏為庶人時傳太后大怒要欲
必稱尊號註音卅後帝白
令王太皇太后下詔尊定陶恭王為恭皇哀帝初成
帝母稱太
后成帝趙皇
后稱皇太后又曰春秋毋以子貴遂尊傳太后為恭
皇太后丁姬為恭皇后中郎將冷哀復奏言定陶恭
皇太后恭皇后皆不宜復引定陶蕃國之名以冠大
號車馬衣服宜皆稱皇置吏千石以下各供厥職又
宜為恭皇立廟京師帝復下議有司皆以為宜如哀
言大司空師丹又曰聖王制禮取法於天地故尊卑
之禮所以正天地之位不可亂也今定陶恭皇太后
恭皇后以定陶恭為號者毋從子妻從夫之義也欲

立官置吏車服與太皇太后並非所以明尊無二上之義也定陶恭皇號謚前已定議不得復改禮父爲士子爲天子祭以天子其尸服以士子無爵父之義尊父母也爲人後者爲之子故爲所後服斬衰三年降其父母周明尊本祖而重正統也孝成皇帝聖恩深遠故爲恭王立後承祭祀今恭皇長爲一國太祖萬代不毀恩義已備陛下旣繼體先帝持重大宗承宗廟天地社稷之祀義不得復奉定陶恭皇祭入其廟今欲立廟於京師而使臣下祭之是無主也又親盡當毀空去一國太祖不隳之祀而就無主當毀不正之禮非所以尊厚恭皇也由是上怒策免丹後歲

餘下詔曰漢家之制推親親以著尊尊定陶恭皇之號不宜復稱定陶其尊恭皇太后爲帝太后丁后爲帝后後更號帝太后爲皇太后太后崩合葬稱孝元傳皇后陵其後爲王莽毀發貶號○後漢安帝建光元年有司上言皇考清河孝王至德純懿含弘光大旣受帝社載生明聖舊章法制宜有尊號不宜稱王宜曰孝德皇妣曰孝德后祖妣宗貴人曰敬隱后詔曰其告祠高廟使司徒震持節大鴻臚特進樂平侯常副奉策璽綬到清河上尊號桓帝即尊位追尊祖河間孝王曰孝穆皇妣趙氏曰孝穆后考蠡吾侯曰孝崇皇尊母曰孝崇園貴人靈帝即位追尊祖爲孝

元皇妣夏氏爲孝元后考爲孝仁皇母董氏爲慎園
貴人○魏文帝制以後如以傍支入嗣大位不得加
父母尊號詔曰依漢祖之尊太上皇是也且禮不以
父命辭王父命漢氏諸侯之入皆受天子之命胤于
宗也而猶顧其私親僭擬天號豈所謂爲人後之義
哉後代若有諸侯入嗣者皆不得追加其私考爲皇
妣爲后也敢有佞媚妖惑之人欲悅時主謬建非義
之事以亂正統者此股肱大臣所當禽誅也其著乎
甲令書之金策藏諸宗廟副乎三府尚書中書亦當
各藏一通○齊明帝即尊位追尊考始安貞王爲景
皇妣妃爲懿后

追錫命議

後漢許慎五經異義云春秋公羊穀梁說王使榮叔
錫曾桓公命追錫死者非禮也死者功可追而錫如
有罪又可追而刑耶春秋左氏譏其錫篡弑之君無
譏錫死者之文也

王侯在喪襲爵議

奪情附
魏 大唐

魏尚書奏以故漢獻帝嫡孫杜氏鄉侯劉康襲爵假
授使者拜授康素服素靜議按周禮天子公卿諸侯
吉服皆玄冕朱裏玄衣纁裳有喪凶則變之麻冕黼
裳邦君麻冕蟻裳云麻冕者則素冕麻不加采色又
變其裳亦非純吉亦不純凶漢氏承秦改六冕之制

以玄冠絰衣一服而已有喪凶之事則變吉服以從
簡易故諸王薨遣使者拜嗣子為王則玄冠絰經服
素以承詔命事訖然後反喪服考之前典則差周書
論之漢室則合常制王肅議尊者臨卑不制絰麻故
為之素服今康處三年喪在絰經之中若因喪以命
之則無復素服若以尊崇王命則吉服以拜受按尚
書康王受策命吉服而受之事畢又以吉服出應門
內以命諸侯皆出然後王釋冕服故臣以為諸侯受
天子之命宜以吉服又禮處三年之喪而當除父兄
之喪服除服卒事然後反喪服則受天子命者亦宜
服其命服使者出反喪服即位而哭即合於禮又合

人情詔從之

奪情議

按成王崩康王即位上宗奉同瑁王再拜三祭

按鄭

即位必醴之者以神之以神之者以醴成之也

醴成之者醴濁飲至齒不入口曰醴既居重喪但

行其禮而又不取其味又禮始冠加爵亦皆醴之所以加重以成

其尊也又漢舊儀諸王嫡子嗣位受拜畢立於門外

使者既出拜送還升嚕醴訖又再拜正與康王即位

事同古今相參事無違者王肅又議凡奉神祭祀則

有受胙之爵嘉慶事則有醴醴之儀若君薨而太子

即位孤之位無醴醴之儀成王病困乃召羣臣訓以

命以命康王是爲受顧命之戒非即位之事王從三宿三祭上宗曰饗而不濟醴也此王者隨時之禮非常行之典不可以爲拜諸侯嫡子之儀襲爵之日乃孝子孝孫所以增哀戚之懷非禮之所施且謂之王命所加而使者又旣出謂之受神之醴復非餽奠之時按拜陳思王子志爲濟北王又與今異猶須王濟醴畢然後使者出今據鄭玄說即位醴之以成其禮猶愈于使者旣出不設餽奠而獨濟醴臣猶以爲非禮之衷今京師廷拜諸侯嗣子無事有濟禮天子賜諸侯大夫冕弁服於大廟歸設奠賜服於斯有冠醴而無冠醴此謂諸侯大夫以平吉受賜服於天子太



廟歸設祭於其廟服賜服而受冠醴之禮也可依此使者旣出公猶服命服設奠而告又禮小祥之祭然後濟之此自告其廟非王命之所加如禮不濟旣告反服即位而哭旣合於禮又合人情詔從之高堂隆議拜受儀按舊典天子遣使者齋車服策命命諸侯嗣位之禮上卿爲使者嗣君遣上卿吉服迎于境自吉服勞于郊館宗廟致飧餼告期日受命于祖廟設喪主布几筵於戶牖之前命車設于庭西上安車駟馬皆在其車之東使者奉策服印綬加設板策于其上升自西階東面內史在右嗣君端委以入升自阼階西面立使者以皇帝命命冕內史贊之嗣君降於

兩階間北面再拜稽首使者宣命曰無下拜嗣君升成拜內史加詔板策命于服上以東嗣君進而西迓受于兩楹間皆旋復位嗣君釋端委服降升成拜如初使者降出升車嗣君拜送於門外修享贈餞之禮使歸嗣君送至于境嗣君釋冕服素弁葛環縗經移昌氏袂修奠祭之禮告于殯宮訖乃釋弁經反喪服此其大略也其他則同之。○大唐武德二年正月尚書左丞崔善爲奏曰欲求忠臣必於孝子比爲時多金革頗遵墨經之義丁憂之士例從起復無識之輩不復減容如不糾劾恐傷風俗制曰文官遭父母喪聽去職調露二年中書舍人歐陽通起復本官每入朝必徒跣至城門外然後着鞞鞞而朝直宿在省則席地籍藁非公事不言亦未啓齒歸必縗經號慟無恒國朝奪情者多矣唯通能合典禮武太后長安三年正月勅三年之喪自非從軍更籍者不得輒奏起復至廣德二年三月勅三年之喪謂之達禮自非金革不可從權其文官自今以後並許終制一切不得輒有奏請